

WINTERWIEHNACHT – KINNERTIED

(Text und Musik: Jan Cornelius)

Winterwiehnacht – Kinnertied,
kummst in mien Gedachten,
wenn ik all de Lüttjen seh,
wo s´ Wiehnachten verwachten.

Ik fraag mi wat is bleven
van ´t Kinnertiedgeföhl,
Wiehnachten vandage,
alleen noch Koopgewöhl.

Winterwiehnacht – Kinnertied,
leevst noch in mien Drömen;
witte Feller, Pulversneei,
Iesgang, Fröst un Klömen.

Ik fraag mi, wat is bleven,
dat Kinnerbild vergahn,
vandaag seh ik an Wiehnacht
mi smaals in d´ Regen stahn.

Winterwiehnacht – Kinnertied,
waar sall ik di söken:
wachten vör versloten Dör,
Christkindpingel – Spöken.

Ik fraag mi, wat is bleven
van ´t Kinnertiedgeneten,
vandaag gah ik an d´ Hillig Dag
na d´ Kark mit slecht Geweten.

(Quelle: Jan Cornelius Musikgeschichten, Lüneburg 2019, ARTyCHOKE artist productions)